



UNIVERSITÄTS-
BIBLIOTHEK
PADERBORN

Universitätsbibliothek Paderborn

Catechesis Pverilis

Melanchthon, Philipp

Lipsiae, 1543

VD16 M 2628

De Restitvione.

urn:nbn:de:hbz:466:1-33561

aliquo affectus essem, ob hanc ipsam causam quia illa pecunia caruissem, ille quia dedit efficacem causam damni, debet soluere id quod interest. Iusta est igitur ratio, & consentanea naturae, cur soluendum sit id quod interest, quia nemo debet uelle locupletari cum damno alterius. Hoc exemplum aliquo modo indicat quid vocetur interest, & ubi locum habeat. Non enim debet præxi rapacitati fœnectorum, qui mutuatione tantum in quæstum conferunt, nec petunt id quod interest, quia mutuo accipiens dederit efficacem causam damni, sed simpliciter petunt lucrum. Cum autem magna sit uarietas contractuum, prudenter adhibenda est in iudicando, nec temere pronunciandum est, & cum contractus sint res politicae, ualeat iudicium magistratus ac legum, id est, sapientis & æqui iurisconsulti de contractibus, sicut et de alijs rebus politicis. Hic sapiens iurisconsultus discernet usuras & id quod interest. Conferet etiam mandata diuina cum iure humano, ne approbet aperte pugnantia cum mandatis Dei.

DE RESTITUTIONE.

Est ne uera regula, Peccatum non remittitur, nisi ablatum restituatur.
Respondeo,

Respondeo, Hæc regula uera est in genere de omnibus, qui scientes & uolentes alienum detinent, & habent unde reddant seu possunt reddere, sicut Paulus inquit, Qui furatus est, deinceps non furetur. At qui ille qui furatus est, tantisper est fur, dum alienum sciens ac uolens detinet, sicut is qui rapuit alienam coniugem, tantisper est raptor seu mœchus, dum eam retinet. Ergo cum Paulus uetat deinceps furari, uult alienum redi, ut ille qui inuasit alienum, definiat esse fur. Hæc generalis regula tenenda est. Sed impossibilitas habet excusationem, & sunt uarij casus, in quibus adhibenda est μητέκαιρα, ut in aliquib. arcanis negotijs cauenda sunt scandala, & cauenda est infamia, quia famæ iactura maior est quam rerum iactura.

Contrà.

Satisfactio est inutilis,
Restitutio est satisfactio,
Ergo restitutio est inutilis.

Respondeo, Nego minorem, quia restitutio uerè & propriè est pars contritionis, non est illa canonica satisfactio, quam definiunt esse opera non mandata etc. Exemplum, Ut peccatum non remittitur retimenti alienam coniugem, id ad contritionem pertinet. Ita rem alienam reddere, ad

contris

contritionem pertinet, quia contritio est paucus
et dolor de peccato, et deinceps non committe
re facta contra conscientiam et mandatum Dei.

An quae tenentur praescrip-
tione, iuste tenentur?

Respondeo, iuste teneri res praescriptione,
quia auctoritate legis tenentur, quae est ue-
rius domina rerum, quam priuati, sed ab-
sit dolus in praescriptione, et concurrant reli-
qua circumstantiae, de quibus leges præcipiunt,
ut scilicet bono titulo rem nactus sis.

An rapta in bellis sint
retinenda.

Respondeo, iusta bella gerentes fiunt uerè
domini corporū et rerum quas capiunt,
ideo et corpora et res captas iuste te-
nent. Sunt autem iusta et legitima bella quae su-
scipiuntur à legitimis potestatibus ad propulsan-
dam iniustā uim seu latrocinium. Et et alia spe-
Iusta bella cies iusta cum bellum à superiore potestate susci-
pitur ad puniendum manifestum scelus alicuius
populi subditi, ut Israēlite mouerunt bellum ad
puniendam tribum Beniamin, propter stupra-
tam Leuitae coniugem. Nam Deus constituit ma-
gistras

DE DECALOGO. 107

gistratus ut depellant latrocinia & puniant ma-
nifesta delicta, Rom. 13. Cum autem bellum sit u-
na ex acerbissimis poenis, quibus Deus punit mun-
dum, pleraque accident in bellis atrociora, quam
exacta norma iustitiae postulat. Nec medium in
his actionibus accuratè constitui potest, sed si
principalis causa iusta est, bellator sciat mili-
tiam illam esse licitam, & res occupatas iuste pos-
sideri. Cæterum bellator si est pius, non suscipiet
nisi necessaria bella, moderabitur non necessa-
riam crudelitatem. Denique in multis rebus non
sumit sibi licentiam usitatam impijs militibus.

DE REDITIBVS

Ecclesiasticis.

ECCLESIA habet opus aut collationibus, aut
reditibus, propter tres causas. Primum,
ad alendos ministros Euangeli.

Secundo, ad scholas conseruandas, ubi sum-
ptus suppeditandi sunt doctoribus, & aliquibus
pauperibus scholasticis. Tertio etiā alij uerè paue-
peres ex publico iuuandi sunt. Propter has tres
causas opus est ecclesiæ facultatibus, sicut &
Paulus iubet ministros ab ecclesia ali. Item suppe-
ditari pauperibus. Et quoniam populus tenuiter
confert, principum officium est, constituere ec-
clesijs redditus aut pensiones, sicut etiam significat

Esaias